

- 1. KANTONALNO TUŽILAŠTVO KANTONA SARAJEVO** - Sarajevo, ulica Radićeva broj 6, ID broj: 4200223290004, kojeg zastupa Glavna kantonalna tužiteljica Kantonalnog tužilaštva Kantona Sarajevo, Sabina Sarajlija (**u daljem tekstu: Naručilac usluge**)
- 2. LOGOSOFT DOO SARAJEVO**, Grbavička 4, Sarajevo, ID 4200236190009, kojeg zastupa Mirela Sofić, šef Službe za prodaju i podršku poslovnim korisnicima (**u daljem tekstu: Pružalac usluga**)

zaključuju sljedeći:

**UGOVOR
O PRUŽANJU USLUGE INTERNET LINKA
KANTONALNOG TUŽILAŠTVA KANTONA
SARAJEVO SA VSTV-om BIH**

Član 1.

Predmet ovog Ugovora je pružanje usluge stalnog VPN internet linka zagarantovane brzine 50/50 Mbps (upload/download), sa blokom od 8 javnih IP adresa, putem postojeće direktne optičke infrastrukture između Kantonalnog tužilaštva Kantona Sarajevo i VSTV-a BiH, sa neograničenim transferom podataka uz neograničen broj istovremenih konekcija, a zaključuje se nakon provedenog direktnog postupka javne nabavke, u skladu sa ponudom Pružaoca usluge broj: 038-02-SA/21 od 29.03.2021. godine, koja čini sastavni dio ovog Ugovora.

Član 2.

Ovaj ugovor se zaključuje na period od (1) jedne godine dana, i primjenjuje se od 01.04.2021. do 31.03.2022. godine.

Član 3.

Ugovorenu cijenu čine usluge iz člana 1. ovog Ugovora, tako da cijena usluge na mjesečnom nivou iznosi 495,00 KM bez PDV-a, odnosno 579,15 KM sa PDV-om, odnosno ukupna godišnja cijena usluge bez PDV-a iznosi 5.940,00 KM, odnosno 6.949,80 KM sa PDV-om.

Član 4.

Osnov za plaćanje usluga je račun, koji je Pružalac usluge dužan ispostavljati Naručiocu usluge mjesečno, a nakon izvršene usluge u tekućem mjesecu za prethodni mjesec.

Član 5.

Naručilac usluge se obavezuje da će plaćanje računa izvršiti u roku od 30 dana, od prijema uredno ispostavljene mjesečne fakture za izvršenu uslugu.

Član 6.

Pružalac usluga se obavezuje da usluge iz člana 1. ovog Ugovora izvršava u skladu sa uslovima iz provedenog postupka javne nabavke i prihvaćene ponude. Tehnička podrška će biti obezbijedena 24 sata dnevno, 7 dana sedmično, 365 dana godišnje, sa vremenom odziva od maksimalno 1 sat od prijave problema, u svrhu rješavanja problema.

Član 7.

Ugovorne strane mogu ovaj Ugovor raskinuti i ranije, ukoliko se jedna od strane ne bude pridržavala odredbi ovog Ugovora, uz prethodno izmirenje svih obaveza nastalih po osnovu ugovora.

Član 8.

Otkazni rok po ovom ugovoru je 30 (trideset) dana od prijema pismenog obavještenja, a po isteku tog roka ugovor se smatra raskinutim.

Član 9.

Ugovorne strane su saglasne da će se pridržavati zakonskih propisa i da će čuvati poslovnu tajnost i pridržavati se poslovnih običaja.

Član 10.

Eventualne sporove nastale pri realizaciji ovog Ugovora, ugovorne strane će nastojati riješiti sporazumno, a ukoliko to nije moguće, nadležan je Općinski sud u Sarajevu.

Član 11.

Ugovor je sačinjen u 4 (četiri) istovjetna primjerka, od kojih svaka strana zadržava po 2 (dva) primjerka.

LOGOSOFT DOO SARAJEVO

**Šef Službe za prodaju i
podršku poslovnim korisnicima**

Mirela Sofić

**KANTONALNO TUŽILAŠTVO
KANTONA SARAJEVO**

Glavna Kantonalna Tužiteljica

Sabina Sarajlija

**Broj: 028-02-SA/21
Sarajevo, 31.03.2021. god.**

**Broj:A-III-23/21-VI
Sarajevo, 30.03.2021. god.**